

地藏菩薩本願經卷中

地獄名號品第五

爾時普賢菩薩摩訶薩。白地藏菩薩言。  
仁者。願爲天龍八部。及未來現在一切  
衆生。說娑婆世界。及閻浮提。罪苦衆生。  
所受報處。地獄名號。及惡報等事。使未  
來世末法衆生。知是果報。地藏答言。仁  
者。我今承佛威神。及大士力。畧說地獄  
名號。及罪報惡報之事。仁者閻浮提東  
方有山。號曰鐵圍。其山黑邃。無日月光。

有大地獄號極無間。又有地獄名大阿鼻。復有地獄名曰四角。復有地獄名曰飛刀。復有地獄名曰火箭。復有地獄名曰夾山。復有地獄名曰通槍。復有地獄名曰鐵車。復有地獄名曰鐵床。復有地獄名曰鐵牛。復有地獄名曰鐵衣。復有地獄名曰千刃。復有地獄名曰鐵驢。復有地獄名曰烱銅。復有地獄名曰抱柱。復有地獄名曰流火。復有地獄名曰耕舌。復有地獄名曰剗首。復有地獄名曰

地藏經中

一

燒脚。復有地獄。名曰啗眼。復有地獄。名曰鐵丸。復有地獄。名曰諍論。復有地獄。名曰鐵鉢。復有地獄。名曰多瞋。地藏白言。仁者。鐵圍之內。有如是等地獄。其數無限。更有叫喚地獄。拔舌地獄。糞尿地

獄。鈎鎖地獄。火象地獄。火狗地獄。火馬地獄。火牛地獄。火山地獄。火石地獄。火牀地獄。火梁地獄。火鷹地獄。鋸牙地獄。剝皮地獄。飲血地獄。燒手地獄。燒脚地獄。倒刺地獄。火屋地獄。鐵屋地獄。火狼

地獄。如是等地獄。其中各各復有諸小  
地獄。或一或二或三或四。乃至百千。其  
中名號各各不同。地藏菩薩。告普賢菩  
薩言。仁者。此皆是南閻浮提行惡衆生。  
業感如是。業力甚大。能敵須彌。能深巨

地藏經中

二

海。能障聖道。是故衆生。莫輕小惡。以爲  
無罪。死後有報。纖毫受之。父子至親。岐  
路各別。縱然相逢。無肯代受。我今承佛  
威力。畧說地獄罪報之事。惟願仁者。暫  
聽是言。普賢答言。吾已久知三惡道報。

8

7

望仁者說。令後世末法一切惡行衆生。聞仁者說。使令歸佛。地藏白言。仁者。地獄罪報其事如是。或有地獄。取罪人舌。使牛耕之。或有地獄。取罪人心。夜叉食之。或有地獄。鑊湯盛沸。煮罪人身。或有地獄。赤燒銅柱。使罪人抱。或有地獄。飛猛火聚。趁及罪人。或有地獄。一向寒水。或有地獄。無限糞尿。或有地獄。純飛鏃鏢。或有地獄。多攢火槍。或有地獄。唯撞冑背。或有地獄。但燒手足。或有地獄。盤

繳鐵蛇。或有地獄驅逐鐵狗。或有地獄。盡駕鐵騾。仁者。如是等報。各各獄中。有百千種業道之器。無非是銅。是鐵。是石。是火。此四種物衆業行。感若廣說地獄罪報等事。一一獄中。更有百千種苦楚。

地藏經中

三

何況多獄。我今承佛威神。及仁者問。畧說如是。若廣解說。窮劫不盡。

如來讚歎品第六

爾時世尊。舉身放大光明。遍照百千萬億恒河沙等。諸佛世界。出大音聲。普告

諸佛世界。一切諸菩薩摩訶薩。及天龍鬼神人非人等。聽吾今日。稱揚讚歎地藏菩薩摩訶薩。於十方世界。現大不可思議威神慈悲之力。救護一切罪苦之事。吾滅度後。汝等諸菩薩大士。及天龍鬼神。廣作方便衛護是經。令一切衆生。證涅槃樂。說是語已。會中有一菩薩名曰普廣。合掌恭敬而白佛言。今見世尊。讚歎地藏菩薩。有如是不可思議大威神德。惟願世尊。爲未來世末法衆生。宣

說地藏菩薩利益人天因果等事。使諸  
天龍八部及未來世一切衆生。頂受佛  
語。爾時世尊。告普廣菩薩及諸衆等。諦  
聽諦聽。吾當爲汝畧說地藏菩薩利益  
人天福德之事。普廣白言。唯然世尊。願

地藏經中

四

樂欲聞。佛告普廣菩薩。未來世中。若有  
善男子。善女人。聞是地藏菩薩摩訶薩  
名者。或合掌者。讚歎者。作禮者。戀慕者。  
是人超越三十劫罪。普廣。若有善男子。  
善女人。或彩畫形像。或土石膠漆金銀

銅鐵。作此菩薩一瞻禮者。是人百返生  
於三十三天。不墮惡道。假如天福盡故。  
下生人間。猶爲國王。不失大利。若有女  
人厭女人身。盡心供養地藏菩薩畫像。  
及土石膠漆銅鐵等形。如是日日不退。  
常以華香飲食。或衣服繒綵幢幡錢寶。  
諸物等供養。是善女人。盡此一報女身。  
百千萬劫更不生有女人世界。何況復  
受女身。除非慈願力故。要受女身。度脫  
衆生者。緣承斯供養地藏力故。及功德

力。百千萬劫不受女身。復次普廣菩薩。若有女人厭是醜陋多疾病者。但於地藏像前至心瞻禮食頃之間。是人千萬劫中所受生身。相貌圓滿。無諸疾病。是醜陋女人。如不厭女身。即百千萬億生

地藏經中

五

中常爲王女。乃及王妃宰輔大姓大長者女。端正受生。諸相圓滿。由至心故。瞻禮地藏菩薩。獲福如是。復次普廣。若有善男子善女人。能對菩薩像前。作諸伎樂。歌詠讚歎。香華供養。乃至勸於一人

多人。如是等輩。現在世中。及未來世。常  
得百千鬼神。日夜衛護。不令惡事輒聞  
其耳。何況親受諸橫。復次普廣。未來世  
中。若有惡人及惡神惡鬼。見有善男子  
善女人。歸敬供養讚歎瞻禮地藏菩薩  
形像。或妄生譏毀。謗無功德。及利益事。  
或露齒笑。或背面非。或勸人共非。或一  
人非。或多人非。乃至一念生譏毀者。如  
是之人。賢劫千佛滅度。譏毀之報。尚在  
阿鼻地獄。受極重罪。過是劫已。方受餓

鬼。又經千劫復受畜生。又經千劫方得人身。得受人身。貧窮下賤。諸根不具。多被惡業來結其心。不久之間復墮惡道。是故普廣。譏毀他人。供養尚獲此報。何況別生惡見毀滅。復次普廣。若未來世。

地藏經中

六

有男子女人。久處牀枕。求生求死了不可得。或夜夢惡鬼。乃及家親。或遊險道。或多魘寐。共鬼神遊。日月歲深。轉復疋瘵。睡中叫喚慘悽不樂者。此皆是業道論對。未定重輕。或難捨壽。或不得愈。男

女俗眼。不辨是事。但當對諸佛菩薩像前。高聲轉讀此經一遍。或取病人可愛之物。或衣服寶貝莊園舍宅。對病人前高聲唱言。我某甲等。爲是病人對經像前。捨諸等物。或供養經。或造諸佛菩薩形像。或造塔寺。或然油燈。或施常住。如是三白病人。遣令聞知。假令諸識分散。至氣盡者。乃至一日二日三日四日。至七日已來。但高聲白事。高聲讀經。是人命終之後。宿殃重罪。至於五無間罪。永

得解脫。所受生處常知宿命。何況善男子善女人。自書此經。或教人書。或自塑畫菩薩形像。乃至教人塑畫。所受果報必獲大利。是故普廣。若見有人讀誦是經。乃至一念讚歎是經。或恭敬者。汝須

地藏經中

七

百千方便。勸是等人勤心莫退。能得未來現在。百千萬億不可思議功德。復次普廣。若未來世諸衆生等。或夢或寐。見諸鬼神。乃至諸形。或悲或啼。或愁或歎。或恐或怖。此皆是一生十生百生千生。

過去父母。男女弟妹。夫妻眷屬。在於惡趣未得出離。無處希望福力救拔。當告宿世骨肉使作方便。願離惡道。普廣。汝以神力遣是眷屬。令對諸佛菩薩像前。至心自讀此經。或請人讀。其數三遍。或

29

七遍。如是惡道眷屬。經聲畢是遍數。當得解脫。乃至夢寐之中。永不復見。復次普廣。若未來世。有諸下賤等人。或奴或婢。乃至諸不自由之人。覺知宿業。要懺悔者。至心瞻禮地藏菩薩形像。乃至一

30

七日中。念菩薩名。可滿萬遍。如是等人  
盡此報後。千萬生中。常生尊貴。更不輕  
歷三惡道苦。復次普廣。若未來世中。閻  
浮提內。刹利婆羅門長者居士。一切人  
等。及異姓種族。有新產生者。或男或女。

地藏經中

八

七日之中。早與讀誦。此不思議經典。更  
爲念菩薩名。可滿萬遍。是新生子。或男  
或女。宿有殃報。便得解脫。安樂易養。壽  
命增長。若是承福生者。轉增安樂。及與  
壽命。復次普廣。若未來世衆生。於月一

日八日。十四十五十八日。二十三二十四二十八二十九日。乃至三十日。是諸日等。諸罪結集。定其重輕。南閻浮提衆生。舉心動念。無不是業。無不是罪。何況恣情殺害。竊盜邪淫妄語。百千罪狀。能

於是十齋日。對佛菩薩賢聖像前。轉讀是經一遍。東西南北。百由旬內。無諸災難。當此居家。若長若幼。現在未來。百千歲中。永離惡趣。於十齋日。每轉一遍。現世令此居家。無諸橫病。衣食豐溢。是故

普廣。當知地藏菩薩。有如是等。不可說。  
百千萬億大威神力利益之事。閻浮衆  
生。於此大士有大因緣。是諸衆生。聞菩  
薩名。見菩薩像。乃至聞是經三字五字。  
或一偈一句者。現在殊妙安樂。未來之

地藏經中

九

世百千萬生。常得端正。生尊貴家。爾時  
普廣菩薩。聞佛如來。稱揚讚歎地藏菩  
薩已。胡跪合掌。復白佛言。世尊。我久知  
是大士。有如此不可思議神力。及大誓  
願力。爲未來世一切衆生。遣知利益。故

問如來。唯然頂受。世尊。當何名此經。使  
我云何流布。佛告普廣。此經有三名。一  
名地藏本願。亦名地藏本行。亦名地藏  
本誓力經。緣此菩薩久遠劫來。發大重  
願利益衆生。是故汝等。依願流布。普廣  
聞已。合掌恭敬。作禮而退。

### 利益存亡品第七

爾時地藏菩薩摩訶薩。白佛言。世尊。我  
觀是閻浮衆生。舉心動念。無非是罪。脫  
獲善利多退初心。若遇惡緣念念增益。

是等輩人如履泥塗。負於重石。漸困漸重。足步深陷。若得遇知識。替與減負。或全與負。是知識有大力故。復相扶助。勸令牢脚。若達平地。須省惡路。無再經歷。世尊。習惡衆生。從纖毫間。便至無量。是

地藏經中

十

諸衆生。有如此習。臨命終時。父母眷屬。宜爲設福。以資前路。或懸幡蓋。及然油燈。或轉讀尊經。或供養佛像。及諸聖像。乃至念佛菩薩。及辟支佛名字。一名一號。歷臨終人耳根。或聞在本識。是諸衆

生。所造惡業。計其感果。必墮惡趣。緣是眷屬。爲臨終人脩此聖因。如是衆罪。悉皆消滅。若能更爲身死之後。七七日內。廣造衆善。能使是諸衆生。永離惡趣。得生人天。受勝妙樂。現在眷屬利益無量。是故我今對佛世尊。及天龍八部。人非人等。勸於閻浮衆生。臨終之日。慎勿殺害。及造惡緣。拜祭鬼神。求諸魍魎。何以故。是所殺害。乃至拜祭。無纖毫之力。利益亡人。但結罪緣。轉增深重。假使來世。

或現在生得獲聖分。生人天中。緣是臨終。被諸眷屬造是惡因。亦令是命終人。殃累對辯。晚生善處。何況臨命終人。在生未曾有少善根。各據本業。自受惡趣。何忍眷屬更爲增業。譬如有人從遠地

地藏經中

十一

來。絕糧三日。所負擔物強過百斤。忽遇鄰人更附少物。以是之故。轉復困重。世尊。我觀閻浮衆生。但能於佛教中。乃至善事。一毛一滷。一沙一塵。如是利益。悉皆自得。說是語時。會中有一長者。名曰

大辯。是長者久證無生。化度十方。現長者身。合掌恭敬。問地藏菩薩言。大士。是南閻浮提衆生。命終之後。小大眷屬。爲脩功德。乃至設齋。造衆善因。是命終人。得大利益及解脫不。地藏荅言。長者。我今爲未來現在一切衆生。承佛威力。畧說是事。長者。未來現在諸衆生等。臨命終日。得聞一佛名。一菩薩名。一辟支佛名。不問有罪無罪。悉得解脫。若有男子。女人在生。不脩善因。多造衆罪。命終之

後。眷屬大小爲造福利。一切聖事。七分之中而乃獲一。六分功德生者自利。以是之故。未來現在。善男女等。聞健自脩。分分已獲。無常大鬼不期而到。冥冥遊神未知罪福。七七日內如癡如聾。或在諸司辯論業果。審定之後據業受報。未測之間。千愁萬苦。何況墮諸惡趣。是命終人。未得受生。在七七日內。念念之間。望諸骨肉眷屬。與造福力救拔。過是日後隨業受報。若是罪人。動經千百歲中。

地藏經中

十二

無解脫日。若五無間罪。墮大地獄。千劫  
萬劫。永受衆苦。復次長者。如是罪業衆  
生。命終之後。眷屬骨肉。爲脩齋福。資助  
業道。未齋食竟。及營齋之次。米泔菜葉  
勿棄於地。乃至諸食。未獻佛僧。勿得先  
食。如有違食。及不精勤。是命終人。了不  
得力。如精勤護淨。奉獻佛僧。是命終人。  
七分獲一。是故長者。閻浮衆生。若能爲  
其父母。及諸眷屬。命終之後。設齋供養。  
至心勤懇。如是之人。存亡獲利。說是語

時。忉利天宮。有千萬億那由他數。閻浮鬼神。悉發無量菩提之心。大辯長者。作禮而退。

閻羅王衆讚歎品第八

爾時鐵圍山內。有無量鬼王。與閻羅天

地藏經中

十三

子俱詣忉利。來到佛所。所謂惡毒鬼王。多惡鬼王。大諍鬼王。白虎鬼王。血虎鬼王。赤虎鬼王。散殃鬼王。飛身鬼王。電光鬼王。狼牙鬼王。千眼鬼王。啗獸鬼王。負石鬼王。主耗鬼王。主福鬼王。主食鬼王。

主財鬼王。主畜鬼王。主禽鬼王。主獸鬼  
王。主魅鬼王。主產鬼王。主命鬼王。主疾  
鬼王。主險鬼王。三目鬼王。四目鬼王。五  
目鬼王。祁利失王。大祁利失王。祁义王。  
大祁义王。阿那吒王。大阿那吒王。如是  
等大鬼王。各各與百千諸小鬼王。盡居  
閻浮提。各有所執。各有所主。是諸鬼王。  
與閻羅天子。承佛威神。及地藏菩薩摩  
訶薩力。俱詣忉利。在一面立。爾時閻羅  
天子胡跪合掌。白佛言。世尊。我等今者。

與諸鬼王。承佛威神。及地藏菩薩摩訶  
薩力。方得詣此忉利大會。斯是我等獲  
善利故。我今有小疑事。敢問世尊。惟願  
世尊。慈悲宣說。佛告閻羅天子。恣汝所  
問。吾爲汝說。是時閻羅天子。瞻禮世尊。

地藏經中

十四

及回視地藏菩薩。而白佛言。世尊。我觀  
地藏菩薩。在六道中。百千方便。而度罪  
苦衆生。不辭疲倦。是大菩薩。有如是不  
可思議神通之事。然諸衆生。獲脫罪報。  
未久之間。又墮惡道。世尊。是地藏菩薩。

既有如是不思議力。云何衆生而不依止善道。求取解脫。惟願世尊。爲我解說。佛告閻羅天子。南閻浮提衆生。其性剛強。難調難伏。是大菩薩。於百千劫。頭頭救拔。如是衆生。早令解脫。是罪報人。乃至墮大惡趣。菩薩以方便力。拔出根本業緣。而遣悟宿世之事。自是閻浮衆生。結惡習重。旋出又入。勞斯菩薩。久經劫數。而作度脫。譬如有人。迷失本家。誤入險道。其險道中。多諸夜叉。虎狼師子。蛇

蛇蝮蠍。如是迷人在險道中。須臾之間。即遭諸毒。有一知識。多解大術。善禁是毒。乃及夜叉。諸惡毒等。忽逢迷人欲進險道。而語之言。咄哉男子。爲何事故。而入此路。有何異術。能制諸毒。是迷路人。忽聞是語。方知險道。即便退步。求出此路。是善知識。提攜接手。引出險道。免諸惡毒。至於好道。令得安樂。而語之言。咄哉迷人。自今已後。勿履是道。此路人者。卒難得出。復損性命。是迷路者。乃生感

地藏經中

十五

重臨別之時。知識又言。若見親知及諸  
路人。若男若女。言於此路。多諸毒惡。喪  
失性命。無令是衆。自取其死。是故地藏  
菩薩。具大慈悲。救拔罪苦衆生。生天人  
中。令受妙樂。是諸罪衆。知業道苦。脫得  
出離。永不再歷。如迷路。人誤入險道。遇  
善知識。引接令出。永不復入。逢見他人。  
復勸莫入。自言因是迷故。得解脫竟。更  
不復入。若再履踐。猶尙迷誤。不覺舊曾  
所落險道。或致失命。如墮惡趣。地藏菩

薩方便力故。使令解脫。生人天中。旋又再入。若業結重。永處地獄。無解脫時。爾時惡毒鬼王。合掌恭敬。白佛言。世尊。我等諸鬼王。其數無量。在閻浮提。或利益人。或損害人。各各不同。然是業報。使我

地藏經 中

十六

眷屬。遊行世界。多惡少善。過人家庭。或城邑聚落。莊園房舍。或有男子女人。脩毛髮善事。乃至懸一幡一蓋。少香少華。供養佛像。及菩薩像。或轉讀尊經。燒香供養。一句一偈。我等鬼王。敬禮是人。如

過去現在未來諸佛。勅諸小鬼。各有大力。及土地分。盡使衛護。不令惡事橫事。惡病橫病。乃至不如意事。近於此舍等處。何況入門。佛讚鬼王。善哉善哉。汝等及與閻羅。能如是擁護善男女等。吾亦

65

告梵王帝釋。令衛護汝。說是語時。會中有一鬼王。名曰主命。白佛言。世尊。我本業緣主。閻浮人命。生時死時。我皆主之。在我本願。甚欲利益。自是衆生。不會我意。致令生死。俱不得安。何以故。是閻浮

66

人。初生之時。不問男女。但作善事。增益  
舍宅土地。無量歡喜。擁護子母。得大安  
樂。利益眷屬。或已生下。慎勿殺害。取諸  
鮮味供給產母。及廣聚眷屬。飲酒食肉  
歌樂絃管。能令子母不得安樂。何以故。

地藏經中

十七

是產難時。有無數惡鬼。及魍魎精魅。欲  
食腥血。是我早令舍宅土地靈祇。荷護  
子母。使令安樂。而得利益。如是之人。見  
安樂故。便合設福。答諸土地。翻爲殺害。  
聚會眷屬。以是之故。犯殃自受。子母俱

損又閻浮提。臨命終人。不問善惡。我欲  
令是不落惡道。何況自脩善根。增我力  
故。是閻浮提行善之人。臨命終時。亦有  
百千惡道鬼神。或變作父母。乃至諸眷  
屬。引接亡人。令落惡道。何況本造惡者。  
世尊。如是閻浮提男子。女人。臨命終時。  
神識昏昧。不辨善惡。乃至眼耳更無見  
聞。是諸眷屬。當須設大供養。轉讀尊經。  
念佛菩薩名號。如是善緣。能令亡者。離  
諸惡道。諸魔鬼神。悉皆退散。世尊。一切

衆生臨命終時。若得聞一佛名。一菩薩名。或大乘經典。一句一偈。我觀如是輩人。除五無間殺害之罪。小小惡業。合墮惡趣者。尋即解脫。佛告主命鬼王。汝大慈故。能發如是大願。於生死中。護諸衆

地藏經中

十八

生。若未來世。男子女人。至生死時。汝莫退。是願。總令解脫。永得安樂。鬼王白佛言。願不有慮。我畢是形。念念擁護。閻浮衆生。生時死時。俱得安樂。但願衆生。於生死時。信受我語。無不解脫。獲大利益。

爾時佛告地藏菩薩。是大鬼王主命者。已曾經百千生作大鬼王。於生死中擁護衆生。是大士慈悲願故。現大鬼身。實非鬼也。却後過一百七十劫。當得成佛。號曰無相如來。劫名安樂。世界名淨住。其佛壽命不可計劫。地藏。是大鬼王其事。如是不可思議。所度人天。亦不可限量。

稱佛名號品第九

爾時地藏菩薩摩訶薩。白佛言。世尊。我

今爲未來衆生演利益事。於生死中。得大利益。惟願世尊。聽我說之。佛告地藏菩薩。汝興慈悲。救拔一切罪苦六道衆生。演不思議事。今正是時。唯當速說。吾即涅槃。使汝早畢是願。吾亦無憂。現在

地藏經中

十九

未來一切衆生。地藏菩薩白佛言。世尊。過去無量阿僧祇劫。有佛出世。號無邊身如來。若有男子女人。聞是佛名。暫生恭敬。即得超越四十劫生死重罪。何況塑畫形像。供養讚歎。其人獲福無量無

邊。又於過去恒河沙劫有佛出世。號寶  
性如來。若有男子女人聞是佛名。一彈  
指頃發心歸依。是人於無上道永不退  
轉。又於過去有佛出世。號波頭摩勝如  
來。若有男子女人聞是佛名歷於耳根。  
是人當得千返生於六欲天中。何況至  
心稱念。又於過去不可說不可說阿僧  
祇劫有佛出世。號師子吼如來。若有男  
子女人聞是佛名一念歸依。是人得遇  
無量諸佛。摩頂授記。又於過去有佛出

世。號拘留孫佛。若有男子女人。聞是佛  
名。至心瞻禮。或復讚歎。是人於賢劫千  
佛會中。爲大梵王。得授上記。又於過去  
有佛出世。號毗婆尸。若有男子女人。聞  
是佛名。永不墮惡道。常生人天。受勝妙

地藏經中

二十

樂。又於過去。無量無數恒河沙劫。有佛  
出世。號寶勝如來。若有男子女人。聞是  
佛名。畢竟不墮惡道。常在天上。受勝妙  
樂。又於過去。有佛出世。號寶相如來。若  
有男子女人。聞是佛名。生恭敬心。是人

不久得阿羅漢果。又於過去。無量阿僧  
祇劫。有佛出世。號袈裟幢如來。若有男  
子女人。聞是佛名者。超一百大劫生死  
之罪。又於過去。有佛出世。號大通山王  
如來。若有男子女人。聞是佛名者。是人

得遇恒河沙佛。廣爲說法。必成菩提。又  
於過去。有淨月佛。山王佛。智勝佛。淨名  
王佛。智成就佛。無上佛。妙聲佛。滿月佛。  
月面佛。有如是等不可說佛。世尊。現在  
未來一切衆生。若天若人。若男若女。但

念得一佛名號。功德無量。何況多名。是  
衆生等。生時死時。自得大利。終不墮惡  
道。若有臨命終人。家中眷屬。乃至一人。  
爲是病人。高聲念一佛名。是命終人。除  
五無間罪。餘業報等。悉皆消滅。是五無

地藏經中

二十一

間罪。雖至極重。動經億劫。了不得出。承  
斯臨命終時。他人爲其稱念佛名。於是  
罪中亦漸消滅。何況衆生自稱自念。獲  
福無量。滅無量罪。

地藏菩薩本願經卷中

讚

光明正大。感應道交。神資冥福。業冰消。  
佛日永昭。昭利益豐饒。讚歎果高超。

南無地藏王菩薩摩訶薩。

三稱

願以此功德。普及於一切。

我等與衆生。皆共成佛道。